


## Mogli & Balou, 9j.



### suechet dringänd zäme äs nöiis Daheime mit Freigang

Liebi Tierfründe

Lueget einisch, sy mir nit zwöi ganz zwöi Härzigi? Mir sy dr Mogli u dr Balou, ja, so wie die zwöi usm Dschunglbuech u mir si dringänd uf de Suechi nach eme nöiie Daheime. Aber nur zäme, frei nach'm Motto "nit ohni min Brüetsch". Warum? Mir hei daheime grad mega Schträss wegem Chliiching i üse Familie, mir sy itze nüm Nummr eis u es isch üs ou viu z'luut u lärmig bi üs. Das passt üs gar nüm. U's Bäscht: im Summr chommt no eis, hei sy gseit. Ching sy eifach nid üses Ding. Churz: mir fühlle üs so gar nüm wou. Drum!

Mir siBrüetsch, böidi kaschtriert, gimpft, chipped, gsung, schtuberein, fit u muntr. Dr Balou isch dr Coole vo üs, er wott überau derbie sy. U er wott usse, er isch sähr nöiigierig. Dr Mogli isch's Gägeteu: sähr schüech u zruckhautend, er orientiert sich am Mogli u schickt ihn im Zwiifu vor zum Lage-Peile. U er begnügt sich mit Chille ufm Baukon. Isch ihm wöuler aus dusse i dr «gfährlechi Wäut». Mir sy böidi sähr aahänglech u verschmuest (dr eint glii, dr angeri schpätr, wenn er uftout isch) u mir liebe Schpiue, mit auem u jädem. Hung u Chatz möge mir nid daheime, Ching, nur wenn sy gross sy, so ab 15i sött's gah. U ebe Freigang ir verchehrsarme Umgäbig, durchs Törli düre, das bruucht dr Balou.

Mir sueche zäme es Daheime bi liebi, geduudigi Lüüt, die wo üs aus Einzelprinze wönt verwöhne. Ohni Hung, Chatz u Ching (ou schpätr nid), abr mit Freigang durchs Törli düre. Chönttisch Du üs so öppis biete? Wohnsch Du verchehrsarm u hesch Du es Törli? U villiicht ou no en Garte? ÜSE Garte? Mou, das wär's, denn müesst mir üs unbedingt lehre chenne. Mir wohnt derziit no z'Seon/AG, züggle abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Üs pressiert's es bitzeli, im Juli chunnt scho das nöiie Bébé, denn geit's no meh rund! Villiicht wohne mir denn scho bi Dir, was meinsch?

**Dini Mogli& Balou**



**Katze sucht Mensch - Mensch sucht Katze**

Sonja Ball

Tel.Nr. 079 333 45 62 (Mo-Fr 18-20h)

[kontakt@katze-sucht-mensch.ch](mailto:kontakt@katze-sucht-mensch.ch)